



# **Universitätsbibliothek Paderborn**

**Exhortationes|| Ad|| Religiosos**

**Dirckinck, Johann**

**Coloniæ Agrippinæ, 1704**

2. De fine & mediis Religiōsi Statūs. Thema. Habetis fructum vestrum in sanctificationem, finem verò vitam æternam. Rom. 6.

[urn:nbn:de:hbz:466:1-51834](#)



## EXHORTATIO II. IN REGULAM II. SUMMARI.

De fine & mediis Societatis.

T H E M A.

*Habent fructum vestrum in sanctificationem, finem  
vero vitam aeternam.*

**D**ividentia di-  
vina, & Sa-  
pientia aeterna,  
omnia in nu-  
mero, pondere  
& mensura or-  
dinat, atque at-  
tingens, à fine  
usque ad finem fortiter, disponit omnia  
suaviter, cui libet Creatura suæ, ad fi-  
nem præfixum, media apta ac propor-  
tionata attribuens. Si à natura ordia-  
mūr, avi, quām sapienter, ad volandum  
alas, pennasque concessit, & pisces pin-  
nas ad natandum? Ardeæ pedes oblon-  
gos & rostrum ad captandum pisces ex-  
aqua in pabulum? Ciconiæ pedes te-  
retes & rostrum prolixum, ad ambu-  
landum per gramen & arripiendam  
ranam lacertam in nutrimentum?

Lepori celeritatem ad fugiendum, cani  
venatico vim odorandi, & currendi ad  
insequendum? Bovi cornua, Leonis um-  
gues, cæterisque animantibus arma ad  
sele tuendum? Homini cerebrum & a-  
lia instrumenta ad intelligendum?  
Quod si ab his ad supernaturalia ascen-  
damus; homini non minus de mediis  
supernaturalibus, ad finem suum conve-  
nientibus, provisum esse animad-  
verteamus. De Sacramentis scilicet,  
aliisque salutis aeterna adminiculis. Idem  
videre licet, in Ordinibus Reli-  
giois, quorum singulis, ut inductione  
patet, fini suo consentanea media er-  
elargita divina Providentia; atque hos  
inter etiam minimæ Societati nostræ,  
quam sicut ad finem præstantissimum  
procurandæ salutis & perfectionis pro-  
priæ & alienæ, instituit; ita conve-  
niens.

O 3

nien-

nientissima eidem media attribuit: quod praesenti exhortatione declarabimus; quib; mediis preclarissimis. tam benigne liberaliterque à Deo concessis, ad finem nobilissimum consequendum strenue utamur.

L.  
Finis &  
media  
perfeccio  
nis pro  
ptiz.

I. Quemadmodum finis est duplex, salus & perfectio propria; ac deinde aliena; ita duplicitis quoque generis sunt media, ad duplificem finem subserventia. Intuamur primo loco primam finis nostri partem, eidemque correspondientia media, & Dei providentiam admirabimur. Saluti sive vacare, & beatitudinem eternam querere, omnes tenentur, seculares, & peccatores, imò & Hæretici & Pagani. Omnia hæc est obligatio. Itud autem magis proprium est nostræ professionis ad perfectionem aspirare: hoc peculiare volumus, aut debuimus velle, cum Religiosi status jugo collum submissimus, cum secura Christi vestigia insequidecrevimus cum Angelica vita amore, artissimis nos ulrostris constrinximus vinculis: hoc perfectionis bonum, appetivum, hoc elegimus, hoc quæsivimus. Equidem quamvis certus esset de mea salute in seculo, ex divina aliqua & evidenti Dei revelatione, nihilominus ad Religionem advolare, nec una nocte in seculo manerem, hunc perfectionis thesaurum quaesiturus. Hoc celeste Manna gustaturis, hanc in valle lacrymarum beatitudinem præcepturus, & Regnum Cœlorum in terris possesurus: Licer enim nullum periculum damnationis esset, licer nullus teter inferni carcer extaret, nulla obstatet purgatorii mora, imò licet nullum Cœlum præ-

paratum esset, post hanc vitam, nulla gloria eterna promissa, nulla bonorum operum retributio exspectanda, à liberalissimo JESU; imò licet ipse dulcis JESUS, pro nobis ē Crux suspensus non esset, nec cœlestis vita formam suo exemplo tradidisset, per se est desiderabilis, & amabilis & querenda perfectio vita, non utecumque, sed avidè & vehementer, quod A postolus insinuat, dum ad Hebr. c. 6. ait: *Ad perfectiora feramur, non dixit eamus, sed feramur, hoc est rapiamur, impetu protrauius, quasi aliena & supercœlesti vi aeti: & media ad id opportuna prompte, alacriteque ac constanter adhibeamus.*

At quænam media Religioso Societatis sunt adhibenda, ut tam ingens perfectionis bonum assequatur? Respondeo 1. Adhibeat necesse est media Christianis omnibus communia: quia sunt observatio præceptorum omnium, usus virtutum Theologicarum & Moralium, sine quo Charitas observari nequit. 2. Usurpet media Religionibus omnibus communia, ad perfectionem Charitatis obtinendam utilissima: ut sunt vota essentialia, internus Dei cultus, per orationes, meditationes, lectiones, & alia Religionis opera: Item actus pertinentes ad corporis castigationem, & mundi renuntiationem plurimum conducentes. 3. Societatis Religiosis utatur mediis, nostro Ordini, quodammodo magis propriis & quidem primò illis, quae ad internam animi devotionem, puritatem, familiaritatem & unionem cum Deo pertinent: ex quibus fons & origo

origo totius incrementi Spiritualis dependet. Eiusmodi sunt : meditatio horaria quotidiana , oratio , contemplatio & lectio , bina iudicis , Conscientia discussio , frequens & valde circumspctus Sacramenti poenitentia usus : accurata de rebus Spiritualibus institutio , frequens de rebus hisce consultatio , & propria Conscientia , tam cum Superioribus , quam cum aliis Præfectis Spiritus communicatio. Peculiaris exercitorum Spiritualium usus , non solum in ipso ingressu , sed perpetuo singulis annis , Exhortationum Spiritualium frequentia , familiaria de divinis colloquia. Secundo , alia sunt media , qua ad veram sui abnegationem , & affectus mortificationem adhibentur : qualia censentur : continuam , quoad fieri potest , in rebus omnibus mortificationem querere : munia , in quibus Humilitas & Charitas maximè exerceatur , crebro obire ; portas sensuum quam diligentissimè custodire ; honorum & dignitatum tum in Societate , tum extra , viam specialis voti obligazione , præcludere ; Præsidum omnium , excepto Generali , electiones , ad ambitionem & discordiam tollandam , unum Generali reservare : ex quibus in Societate pax , concordia , animorum unio , & Charitas fraterna oritur ; quam totis viribus inter suos Societas procurat.

Quam convenientia sunt ista media , Charissimi , ad perfectionem omnitudinem , consequendam ? Quam potentia & efficacia ! Si igitur perfectionem , qua salus , & pulchritudo , & felicitas est anima , consequi desideretis , il-

la strenuè adhibe , & voti compotes evadetis.

II. Altera pars finis , qua perfectior nem spectat proximorum , cum quoque nobilissima sit ; consentanea quoque media requirit. Quanta sit excellentia procurare salutem & perfectionem hominum , testatur S. Dionysius Areopagita de celest. Hierarch. c. 9. ubi docet : *Divinorum omnium divinissimum esse cooperari ad salutem animalium. Secundum illud Apostoli 1. Corinth. 3. Dei adjutores sumus. Ex quo recte infert R. P. Franciscus Suarez Tom. 4. de Relig. Tract. 10. L. 1. c. 6.* Finis illum est supremum omnium , qui possunt esse in aliquo statu Ecclesie : est enim finis Apologetorum à Christo Domino eis praefixus : est finis Episcoporum & Praestitorum Ecclesiae , quorum est , ut ait S. Dionysius , *Alios purgare , illuminare , perficiere* : Idem eleganter tradit S. Gregorius Nazianzenus Orat. 1. Episcopis non solum tribuens perfectionem propriam , tanquam illius propriæ debitam , his verbis : *Antiquitatem vitium est , non quam optimum esse , ac novas subinde virtutum accessiones facere ; siquidem virtutis sua præstantia multitudinem ad mediocritatem trahit* . Sed etiam de fine alios perficiendi ita differit : *Huic scopus est , anima (proximi) pennas dare ad mundo eam eripere , Dedique dare , divinamque imaginem , aut manentem conservare , aut periclitantem fulcire , aut dilapsam in pristinum statum revocare*. Hic denique est finis ut idem Sanctus Doctor scribit : *& scopus totius divinae providentiae erga homines , & Incarnationis Christi , omniumque laborum ejus.*

Idem

Idem antea ille finis, scopus quoque est Societatis nostræ, licet aliter ad Episcopos, aliter ad Clericos Religiosos pertineat: illis siquidem per se & principalius h[ic] solum ministerialiter, ut loquitur Suarez, & delegatè, ac in subsidium Episcoporum, convenit.

Quænam verò fini huic adeò excellenti ac divino, media Filiis suis, Societas suppeditat? varia ac multa, eaque præstantissima, atque utilissima: In his numerantur omnia ministeria sacra, quæ ad purgandos, illuminandos, & perficiendos alios plurimum conducunt: inter quæ locum principem obtinere Sacramentorum administratio, præsentim Exhomologeos & Eucharistia, quæ Instituti nostri maximè est propria, ut ex Bullis Pauli III. & Julii III. & Gregorii XIII. & ex forma Instituti, atque ex omnibus Constitutionibus notum perspectumque est. Deinde huc spectat, Sacrificia Missæ, pro infidelium, Hæreticorum & Peccatorum conversione offerre: Verbum Dei prædicare: Catechesis rudibus ac pueris exponere: Exercitia Spiritualia S. Ignatii tradere: Sodalitia varia erigere: decedentes ad mortem sanctam disponere: missiones inter fideles & infideles obire, etiam in remotissimas Orbis partes, & barbaras nationes, votoque ad id adstringere, ac peregrinari, etiam absque viatico, ex Eleemosynis, si necesse sit, vivendo: Denique Theologicas, Philosophicas, aliisque scientias subtiliores tradere, humaniores litteras cum pietate juventutem edocere; Libris editis doctrinam variam com-

municare; atque ita omnibus Orbis Christiani statibus, tam Ecclesiasticis & Religiosis, quam secularibus subiecta & instrumenta apta præparare, quibus ad Dei gloriam majorem utantur & conserventur, nullum aliud emolumenntum, nisi salutem animarum inde expectando: quemadmodum Sanctus Ignatius in Constitutionibus suis frequenter repetit.

Media hæc tam præclara, Charissimi, toto vita cursu, pro capacitate nostra, non sunt negligenda; sunt quidem uni ex vobis plura, alii pauciora à Deo talenta concedita; adeoque unus altero majorem his mediis fructum referre poterit; nullus tamen est ex vobis, qui sine tempore, hoc illòve medio, non valebit, animas complures Deo lucrari, & ipsius gloriam plurimam propagare; modò dicta media strenue voluerit usurpare: Hunc igitur animum, hoc propositum concipiamus, in Tyrocinio nos pro viribus aptemus, atque eum in finem gratiam divinam ferventer indies imploramus.

III. Videor autem mihi audire, non nullos admirantes & nobis objicientes; qui fieri queat, ut tam multa actione, quam Societas profitetur, cum perfecta contemplatione conjungantur. Licet enim activa vita & contemplativa, ambæ sint sanctæ & forores, nec sibi contraria, ex ea tamen parte, quæ una requirit otium, alia negotium, non videntur simul esse possi in magna ac per se intenta perfectione: Ut enim argumentatur D. Thomas 2. 2. quæst. 182. a. 3. Cum humana capacitas,

Vitæ  
va si  
temp  
ve co  
juda  
tas,

tas, valde sit limitata, non potest simul intendere contemplationi summae veritatis, & amori ac dulcedini ejus, & operibus misericordiae erga proximos.

Sed respondemus ex P. Suarez T. 3.  
4. de Relig. L. 1. c. 7. Primò hoc non esse impossibile cum divina gratia: & quamvis id difficile videatur, perferam tamen virtutem circa difficultatem versari: at quo ita difficultatem illam per Religionis providentiam, & perferam institutionem, cum vocationis gratia posse superari. Nam 1. Societas Providentia est singularis, quæ à Deo singularia obtinuit media & methodos orandi, meditandi & contemplandi, & sollicita est, ut Filiis suis in instructione & educatione desit nihil. 2. Instituatio Sociorum, præsertim in Tyrocinio, biennio est singularis: Nam in 3. p. Conf. c. 1. §. 10. S. Fundator, valde commendat: Ut doceantur, ab illufionibus Dæmonis in Spiritualibus exercitiis sibi cavere: veris solidisque virtutibus insisteret, sive plures adiut consolations spirituales, sive pauciores, Deinde major Tyrocinii pars exercitiis vita contemplativa impeditur: Et Tyrone in rebus spiritualibus instituuntur, idèo plurimum experimentum Noviorum est: In spiritualibus exercitiis mensem unum, plus minusve versari, in examinanda conscientia, & antealita vita recognanda & Confessione generali facienda, ac peccatorum suorum meditatione, tum in contemplatione mysteriorum vita Christi: tum etiam in Oratione mentali & vocali, iuxta cuiusque captum se se exercere. Ex am. c. 4. §. 10. Postea vero in decursu

probationis, in spiritualibus illis exercitiis maximè instruuntur, quæ pertinent ad usum Sacramentorum Confessionis & Communionis; docentur audire Missam, in ea ministrare, modus etiam legendi, meditandi, & orandi cum fructu ostenditur: & ideo p. 3. Conf. c. 1. §. 10. providetur, ut de his omnibus frequens sit sermo & eruditio ac cura, ut non solum addiscantur & memoria teneantur; sed etiam exerceantur. Deinde hæc spiritualia exercitia, secundum Constitutiones etiam studiorum tempore continuanda: Unde 3. p. Conf. c. 3. Tanguam certum ducitur eos viros spirituales futuros, & qui sic in via Christi Domini nostri profecerint, ut preceam currere posint. Ex quibus omnibus Providentia Societatis singularis satis conflat & pater, ea quæ spectant ad vitam contemplativam, plurimum ac præcipuum locum in ea tenere, & plurimum valere ad eandem cum activa copulandam, ut ex effectu ipso, & pluribus viris insignibus, & in utraque vita excellentibus, in Societate, manifestè eluceat.

3. Conserit ad hoc plurimum Gratia vocationis. Quid autem est Gratia vocationis? Ut eam clarius cognoscamus, cum sè numero ejus incidat mentio, audiendus P. Suarez L. c. §. 9. ubi ait: Neminem posse pro ratione sui Status, piè vivere, nedum perfectè, sine speciali Gratiæ Dei: & piè credendum, imò moraliter certum esse, Deum unicuique Religioni dare specialem gratiam, quam communicat omnibus, qui ab Spiritu S. ad illam vocantur, ut finem instituti sui consequi valeant. Sic enim

P

S. Tho-

## EXHORTATIO II.

114

S. Thomas in 4. d. q. 2. a. 2. ad 9. dicit: *Ad quamlibet eminentiam statutus, dari aliquam sanitatem, cum sit ibi necessarium speciale auxilium gratiae. Et in consecratione Virginum & alii hujusmodi benedictionibus dari gratiam. Sensus autem est, non dari gratiam ex opere operato, cum non sint sacramenta: Sed dari specialem gratiam auxiliantem, excitantem, & adjuvantem, quam Deus tribuit illis, quos in speciali statu ac munere constituit, quaque indigent, ut itatus sui ac munieris partes videantur expletant. Ecur enim S. Joannes Baptista tot gratiis fuit exornatus, nimirum praeret ante faciem Domini, parate vias eius? Cur S. Paulus tantam gratiam insignitus nimirum ut apostolico munere probè fungeretur?*

*Per gratiam accepimus gratiam & apostolatum, Rom. 1. 5. & ad Ephes. 3. Eius factus sum ego minister, secundum donum gratiae dei, quae data est mihi: Mibi enim sanctorum minimo data est gratia evangelizare investigabiles divitias Christi. Simil modo Moysi daturus regiminis socios & adjutores, aiebat Dominus: Affiram de spiritu tuo, & dabo eum. Ex quibus patet, quid & quanta sit vis gratiae vocationis, & quod illius ope, poterimus vitam activam cum contemplativa conjugere.*

Quocirca, dilectissimi, ut excellenter etiam finem perfectionis propriam,

primo loco assequamur, media illa, quae Societas benigna & provida Mater suggredit, diligenter a nobis adhibenda sunt, tum quae nos cum Deo conjungunt, tum quae carnem & passiones in servitatem redigunt. Deinde ut suo tempore, perfectionem alienam, magno fructu, promovere queamus, illa media, quae divino huic, apostolicoque fini proficia sunt, adhibebimus, prout ab obedientia fuerit injunction; nec posteriora impedimento erunt prioribus: Utraque enim ita ordinata & implexa sunt, ut quod servit ad perfectionem propriam, etiam juvet ad perfectionem proximorum, & quod ad perfectionem proximorum prodest, etiam ad perfectionem propriam conducat. Licer aliqua immediate ordinentur ad perfectionem propriam, mediante ad alienam, & vice versa: Adeoque omnia media Societatis dici possunt ordinata ad salutem & perfectionem proximorum, & omnia dici possunt esse ordinata ad salutem & perfectionem propriam. Ac denique hisce mediis, modo prescripto, utendo, actionem & contemplationem, juxta instructionem Societatis gratiae vocationis opitulante, ita exercemus; ut utramque maximo cum fructu & solatio nostro ac proximorum apte copulemus & conjungamus.



EXHOR-